

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.



He whakarāpopoto

Pānuihia te whakarāpopoto ki te ākonga. He tino hoa a Wiremu me Wainui, tāna kurī. Waimarie, he ihu tino koi tō Wainui, nō te mea ...

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te fimatanga ki te mutunga o te pānui.

Kōrero mō te whai kurī hei mōkaikai me ētahi o ngā mahi me mahi ki te tiaki i taua mōkaikai.

Kōrerorotia te āhua o tā te kurī noho hei hoa mō tōna rangatira, me te mea nei he mema o te whānau. He aha ētahi o ngā take i rongohia ai te kōrero, “ko te kurī te tino hoa rawa o te tangata”? Ki te ākonga, he tino hoa rawa a Wainui me Wiremu?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;
- ki te whakaoti i tētahi o ngā hei mahi e pā ana ki te pukapuka;

- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. He aha a Wainui, ā, he pēhea te āhua?
2. Nā te aha i kore ai e pai ai ki a Wiremu rāua ko Wainui te haere ki te kāinga o tōna whaea kēkē?
3. Nā te aha i kite ai a Whaea he tino mōkai kē a Wainui?
4. He aha i kī ai te kaipatu ahi me whiwhi te whānau i tētahi mihini pere tohu kāpura ahakoa i a rātou ko Wainui?
5. Mēnā ko koe te tangata tuatahi ki te rongohia i te auau a Wainui, ki te hongihoki i te auahi, ka aha koe?

1. He kurī, he roaroa ōna tāringa, he nunui ōna karu, he poto ōna waewae, he pūhuru tōna kiri.
2. Nā te mea me moe a Wainui i te whare motokā.
3. Nā te mea i whakaoho tāna auau i te whānau, ā, i puta ora rātou i te ahi.
4. Ka rerekē ngā whakautu.
5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T He tīpako mōhiohia mai i te pukapuka.

He whakatakinga ā-roro, he whakaharatau

I mua i te pānui i te pukapuka, matapakia te āhua o tā te mōkaikai noho hei tino hoa rawa o ētahi tāngata, me te hiahia o aua tāngata ki te kawhe i ā rātou mōkaikai ki ngā wāhi katoa i haerehia e rātou. He aha te take pea i kore ai e pēnā ngā whakaaro o ētahi atu tāngata ki taua mōkaikai?

Kia oti i te ākonga te pukapuka te pānui, matapakia te take i kore ai i pirangi te whaea kēkē kia moe te kuri i roto i te whare. Nā te aha pea i hurihia ai ōna whakaaro?

I tika te raupapa mahi i mahia e te māmā i tōna whakaohonga ohorere e te auau a Wainui?

Titiro anō ki ngā kupu a te kaipatu ahi ki te whaea kēkē e pā ana ki te whiwhi i tētahi mihini pere tohu kāpura. He aha pea ngā take i kōrero pērā ai ia?